

"মিষ্টি বাচ্চারা, তোমরা হলে রুহানী সেনা। তোমরা ছাড়া রাবণের থেকে এই দুনিয়াকে কেউ রক্ষা করতে পারবেনা। এই শুদ্ধ নেশা বজায় রেখো।"

প্রশ্নঃ - বাপদাদা কোন্ বাচ্চাদের উদার হৃদয়ের মহিমা করেন ?

উত্তরঃ - বাবা বলেন, উদার হৃদয় সেই বাঙ্কেলীদের অর্থাৎ গার্হস্থ্য বন্ধনে আবদ্ধ বাচ্চাদের, যারা প্রহৃত হয়েও শিববাবাকে স্মরণ করে। মার খেতে খেতে তারা আরও নষ্টমোহা হতে থাকে, যার কারণে তাদের পদ আরও উঁচু হয়ে যায়। বাবা এমন বাচ্চাদের সহিষ্ণুতা(ধৈর্য্য) দেন, বাচ্চারা তোমরা নিজেকে আত্মা নিশ্চয় করো। এই দেহ তোমাদের নয়। তোমরা বাবার হয়েছ, তোমাদের স্থিতি অবিরত তেজোপূর্ণ হবে। সচ্চি দিল পর সাহেব রাজী অর্থাৎ প্রভু সরল হৃদয়ের প্রতি খুশি থাকেন।

গীতঃ- তোমায় পেয়ে প্রভু, পেয়েছি সারা বিশ্ব, আকাশ-পৃথিবী হয়েছে সবই মোদের

ওম্ শান্তি। বাচ্চারা সামনে বসে আছে। তোমরা জানো যে, তোমরা এক একজন সেনা। কার সেনা ? ঈশ্বরের। তোমরা কি করছ ? তোমরা রাবণের উপর বিজয় লাভ করছ। এর অর্থ সারা সৃষ্টিকে রাবণরাজ্য থেকে মুক্ত করে নিজেদের রাজ্য স্থাপনা করছ। দেখ, তোমরা কেমন সাধারণভাবে "বসে আছ ! তোমরা তোমাদের হাত-পা ব্যবহার করছ না তবুও তোমরা কত শক্তিশালী সেনা ! তোমরা ঈশ্বরের সহায়। ঈশ্বরও গুপ্ত, তোমরাও গুপ্ত। তাঁকে শাহেনশাহও বলা হয়। তোমরা এতই বলশালী এবং গুপ্তভাবে থাকো যে, তোমরা বিকারকে জয় করে সমগ্র বিশ্বকে জিতে নাও। তোমরা সেটা ফীল করো, সেই সেনার মতো তোমরাও রুহানী সেনা। তোমরা বুঝতে পারো যে, ভারতের সব কিছু তোমাদের অর্থাৎ সেনাদের উপরে নির্ভর করে। আমাদের সেনারা না থাকলে অন্যেরা জিতে নিত। সেই সেনাদের মধ্যে কখনও কখনও রাজাদের সরিয়ে মিলিটারি শাসন জারি হয়। মিলিটারি ভাবে, তারা ছাড়া অন্য কেউ তাদের দেশকে রক্ষা করতে পারেনা। তোমাদেরও শুদ্ধ অহংকার আছে, ঈশ্বরীয় সেনা ছাড়া রাবণের থেকে আর কেউ রক্ষা করতে পারেনা। মিলিটারিদের দেখ আর তোমাদের নিজেদেরও দেখ। তোমরা যেমন, তেমনই। তোমাদের কাছে ড্রেস বা অস্ত্রশস্ত্র ইত্যাদি নেই। সেই সমস্ত লোকেরা কত ড্রেস পরে। যেমন সঙ সাজানো হয়, তেমন তারাও মুখোশ পরে নিজেদের পরিচয় গোপন রাখে। হোলিতেও তারা সঙ সাজায়। তারা রামের সেনাও দেখায়, আর তাদের বাঁদরের মুখ দিয়ে দেয়। তারা শুধুই পুতুল খেলা করে। তোমরা বাচ্চারা এখন বুঝতে পারছ যে পাঁচ বিকাররূপী রাবণের জেল থেকে তোমরা নিস্তার পেয়ে যাচ্ছ। এক তো হলো রাবণের জেল। যারা রাবণের মতে চলে তাদেরও জেল। ভক্তির শেকল, গুরুর শেকল তদুপরি স্বামীর শেকল। রাবণের মতে চলে তোমরা কত অসুখী হয়েছ। তোমরা অনেক ডেকেছ, রাবণ আমাদের অনেকভাবে বিভ্রান্ত করছে। তোমরা জানো যে, তোমরা যত যোগে থাকবে ততই তোমরা আত্মারা দুঃখ থেকে রেহাই পেতে থাকো। অবলাদের ওপর অনেক অত্যাচার হয়েছে, অনেক মার খেয়েছে। দুর্বল অবলারা ডাকে, এখন আমরা কি করবো ? বাবা তাদের ধৈর্য্য দেন। এতো তোমাদের বোঝানো হয়েছে, তোমরা নিজেকে আত্মা নিশ্চয় করো। এই দেহ তোমাদের নয়। তোমরা মৃত। তোমরা এখন বাবার হয়েছ, সুতরাং, অন্য কোনও উপায়ই নেই। আমরা শিববাবার। প্রকৃত বাচ্চাদের স্থিতি অনেক মজবুত হয়।

এটুকুও বিকারের দিকে তাদের ভাবনা যায়না। যদি এমন বাচ্চাদের উপর কেউ যদি জবরদস্তি জুলুম করে, তাতে বাচ্চারা পাপের ভাগী হয়না। তারা ডাকে, বাবা, আমি তোমার হয়েছি, এই দেহ একটা শব মাত্র। এমন নিশ্চয় বুদ্ধি যাদের তারাও উঁচু পদ লাভ করে, যদি হৃদয় সততাপরায়ণ হয়। এমন সরল হৃদয়ের প্রতি সাহেব রাজী অর্থাৎ প্রভু, আমাদের সকলের মালিক খুশি থাকেন। যারা মার খায় তাদের মতো এখানের বাচ্চারা তেমনভাবে বাবাকে স্মরণ করেনা। তাদের বন্ধনের ডাক বাবার কাছে পৌঁছে যায় ! বাবা, এই বন্ধন থেকে মুক্ত করো। যারা বন্ধন-মুক্ত হয়ে নিষ্কৃতি পেয়েছে তারাও বাবাকে এত স্মরণ করেনা, যত বাঙ্কেলীরা করে। শিববাবার স্মরণেই তোমার তরী পার হয়ে যায়। কেউ কেউ বলে, বাবা, আমাদের মুরলি পর্যন্ত পড়তে দেয়না। ওহ্ ! তোমরা শুধুমাত্র বাবাকে স্মরণ করো। মুরলিতে এটাই রোজ বোঝানো হয়। মূল কথা হলো স্মরণের চার্ট রাখো। বাবাকে আমি কতক্ষণ স্মরণ করছি ? অনেকেই এই পরিশ্রম করতে পারেনা ; তারা বারবার বাবাকে স্মরণ করতে ভুলে যায়। যাই হোক বাঙ্কেলী বাচ্চারা মার খেতে খেতে আরও বেশী স্মরণ করে। এটা মহৎ হৃদয় অবলাদের মহত্ব, যারা মার খেতে খেতেও বাবাকে স্মরণ করে। বাবা বলেন, তোমরা নিজেদের আল্লা নিশ্চয় করে বাবাকে স্মরণ করো। তারা যত তোমাদের মারবে তোমরা মোহজিত হতে থাকবে। প্রহারও তোমাদের উঁচু পদ লাভ করায় সমর্থ বানিয়ে দেবে। বাবারও এমন বাচ্চাই স্মরণে আসে। হ্যাঁ, কিছু ভালো মহারথীও আছে যারা অনেকের সার্ভিস করে, যোগী বানায়। যোগের মহিমা অনেক। সকলের প্রতি তোমাদের ক্ষমাশীল হতে হবে। তোমরা বাচ্চারা গীতা রেফার করো, তাদের বুদ্ধিতে শুধু এটাই আছে কৃষ্ণ ভগবান রাজযোগ শিখিয়েছেন। তোমরা বলো, পরমপিতা পরমাত্মা রাজযোগ শিখিয়েছেন। এটা তাদের কাছে প্রমাণ করার জন্য তাদের জিজ্ঞাসা করো, পরমপিতা পরমাত্মার সাথে তোমাদের সম্বন্ধ কি ? তোমরা তো তাঁকে পিতা বলো, তাই না ! এটা পিতারই নির্দেশ, আমার সাথে যোগ লাগাও, তোমাদের বিকর্ম বিনাশ হবে। কোনও মানুষের সাথে যোগ লাগিও না। কোন মানুষ যদি তোমাদের শেখায় তাতে কোনও লাভ হবেনা। গীতাতেও দেহধারীর নাম রেখে দিয়েছে। আমরা বলি, পরমপিতা পরমাত্মা আমাদের যোগ শেখান। তোমরা কারও নিন্দা করোনা। তোমরা বাবার মহিমা করছ। যাই হোক, যারা বোঝাবে তাদের দক্ষ এবং অভিজ্ঞ ও বিচক্ষণ হতে হবে, কারণ সেখানে অনেক বড় বড় বিদ্বান, পণ্ডিত আসেন। সন্ন্যাসীদেরও সেনা আছে। তাদের সবার হেড-রা আসে। বাচ্চারা, তোমাদের এমনই দক্ষ হওয়া উচিত যে তোমরা অল্প কথা বললেও তাদের তির লেগে যায়। বেশী কিছু বলার দরকারই নেই। কারণ তাদের মধ্যে অনেক ক্রোধ আছে। তাদের সেনাও অনেক বড়। কোথাও থেকে নিমন্ত্রণ এলে তোমরা যেতে পারো। তোমরা বাচ্চারা বুঝতে পারো যে তোমাদের মধ্যে কে কে ভালো প্রতিদ্বন্দ্বিতা করতে পারে। তোমাদের তো শুধু এক অল্ক শব্দের অর্থই বোঝাতে হবে। মাত্র দুটো জিনিস। বাবা, অল্ক বলেন, আমাকে স্মরণ করো, তোমরা বিশ্বের মালিক হয়ে যাবে। এই কথা একমাত্র ঈশ্বর, যিনি অল্ক, রচয়িতা তিনিই বলতে পারেন। তিনি হেভেনলি গড ফাদার। তিনি বলেন, আমাকে স্মরণ করো, তোমাদের বিকর্ম বিনাশ হবে। শ্রীকৃষ্ণকে স্মরণ করে তোমাদের বিকর্ম বিনাশ হবেনা। কৃষ্ণ এখন কোথায় ? তিনি এক শরীর ছেড়ে অন্য শরীর নিয়েছেন। এক নিরাকার তো অবিনাশী। সমস্ত ব্যাখ্যা এই কথা সম্বন্ধেই দেওয়া হয়। তারা অনেক বড় ভুল করে দিয়েছে। ভগবানুবাচঃআমি তোমাদের বিশ্বের উত্তরাধিকার দিই। কৃষ্ণ কিভাবে সবাইকে উত্তরাধিকার দেবেন ! কৃষ্ণ তো ভারতের, তাই না ! কিন্তু বরসা সমগ্র দুনিয়ার, যে দুনিয়া এখন পতিত। সবার পতিত-পাবন একই, তিনি নিরাকার। তোমাদের বুদ্ধিতে এইসব কথা আছে। ভক্তির পার্টেরও নলেজ আছে। একদম প্রথমে শিবের পূজা হতো, সোমনাথের মন্দির বানানো হয়েছিলো। এতবড় সোমনাথের

মন্দির কে বানিয়েছিল ? এটা করার শক্তি কারও নেই । নিশ্চয়ই সেই সময় এত বিত্তবান ছিল যারা এমন মন্দির বানিয়েছে । বাচ্চারা, তোমাদের মধ্যে এই বোধ আছে যে, প্রকৃতই তোমরা সম্পদশালী ছিলে । এত বড় সোমনাথের মন্দির তৈরি হয়েছে, নিশ্চয়ই এটা কোনো মহারাজা বানিয়েছেন ! দেবী-দেবতা নিজেরাই পূজ্য ছিলেন, পরে তাঁরাই পূজারী হয়েছেন । তারপর সেই পূজার জন্যই তাঁরা আবার একবার মন্দির বানাবেন । এইরকম নয় যে একটা সোমনাথ মন্দির তৈরি হয়েছিলো । একজন বানাতে শুরু করেছিলো তারপর অন্যান্যরাও সেইরকম বানিয়েছিল । অনেক মন্দির লুটও হয়ে গেছে । মাত্র একটা মন্দির থেকেই এত জিনিস বেরিয়েছে যে উটের পিঠে বোঝাই করে নিয়ে গেছে । তারা যখন চড়াও হয় তাদের চেষ্টা থাকে ক্যাপিটল (মূলধন) জোর করে হস্তগত করার । তাহলেই তারা বিজয়ী হয়ে গেল । এটা এখন তোমাদের বুদ্ধিতে আছে, দিল্লি প্রকৃতই পরিস্থান ছিলো । ধর্মরাজ এটা স্থাপন করেছিলেন । দিল্লি আবারও পরিস্থান হবে । তারজন্যে আমরা রাজযোগ শিখছি । তোমরা এখন, যখন এই সমস্ত বিষয়গুলো শুনছ, তোমাদের বুদ্ধিতে নেশা লেগে যায় ; তোমরা বুঝতে পারো, আমাদের রাজ্য স্থাপন হচ্ছে । আমাদের নাম মহিমান্বিত হয় । বলাও হয়ে থাকে, গুপ্ত সেনা, নন্-ভায়োলেন্স । এত গুরুত্বপূর্ণ অর্থ কেউ বুঝতে পারেনা । না তোমরা স্থূল অস্ত্রশস্ত্র ব্যবহার করো আর নাই তোমরা কাম-কাটারি চালাও ! তোমরাই নন্-ভায়োলেন্ট শক্তি সেনা, যারা যোগবলের দ্বারা রাজ্য লাভ করেছে । বিশ্বের মালিক হওয়ার জন্য শ্রীমৎ অনুসরণে আমরা এক এবং একমাত্র বাবাকে স্মরণ করি । তোমরা জানো যে এই নাটক এখন সম্পূর্ণ হয়ে এসেছে ; আবার নতুন করে শুরু হবে । এই নাটক অবিনাশী; যা কখনও বিনাশ হয়না । যাই হোক, এটা নিশ্চিত যে, যখন নতুন দুনিয়া বিদ্যমান হবে তখন পুরানো দুনিয়ার সমাপ্তি হয় । চক্র ঘুরতেই থাকে । এই ড্রামা অনাদি । ঠিক যেমন তারা ভগবানের জন্য বলে যে, তিনি সর্বত্র বিরাজমান, একইভাবে, তারা বলে ড্রামা নিরন্তর ঘুরে যাচ্ছে । এই ড্রামার অ্যাক্টররা সর্বদা বিদ্যমান । তোমরা জানো যে, নিরাকার দুনিয়া এবং সাকার দুনিয়াও সর্বদা বিদ্যমান । তারপর চক্র সত্য, ত্রেতাযুগ হয়ে রিপিট হয় । এটা অবিনাশী ড্রামা । শুরু থেকে শেষ পর্যন্ত এই ড্রামায় আমাদের পার্ট আছে । ছোট ড্রামা যেগুলো, পুরানো হয়ে যায় । এটা কখনও পুরানো হয়না । অবিনাশী ড্রামা কি কখনও পুরানো হয় ? না, তবে আমরা আমাদের পার্ট অবিরত অভিনয় করছি এটা নতুন থেকে পুরানো হয় আবার পুরানো থেকে নতুন হয় । তোমরা জানো যে, তোমরা প্রকৃত রাজা রাণী ছিলে । এখন তোমরা নিঃস্ব হয়ে গেছ । এরপর আমরা কপর্দকশূন্য থেকে রাজা হবে । পপার অর্থ ফকির । বাবা এসে সবাইকে রাস্তা দেখান । তোমাদের অনেক নেশা থাকা উচিত । এই নতুন নলেজ তোমরা লাভ করছ আর মাত্র একবারই এটা তোমরা লাভ করো । তোমরা বুঝতে পারছ তো যে, ডাইরেকশন অনুযায়ী এই সৃষ্টিতে তোমরা তোমাদের বাদশাহী স্থাপন করছ ! বাবা বলেন, আমাকে এবং তোমাদের বাদশাহী স্মরণ করো । যাই হোক, হঠাত্ আক্রমণ, প্রহার সেসব থাকবে । এই অপমান বা শারীরিক যাতনাও কর্মভোগ । পুরুষ স্ত্রীকে মারে, এইরকম কেউ মারতে পারে কি ? হয়তো তুমিও তাকে মেরে থাকবে । সেই হিসেবনিকেশ চুকে যাচ্ছে । এসবই কর্মের হিসেবনিকেশ । তোমরা এখন শ্রীমৎ অনুসরণ করে শ্রেষ্ঠ কর্ম করছ । এখন অবশ্যই আর কোনও পাপাচার কোরোনা । সবচেয়ে শ্রেষ্ঠ কর্ম হলো বাবার পরিচয় দেওয়া । তোমরা বাবার নির্দেশ পেয়েছ, সদাসর্বদা এক আমাকে স্মরণ করো । বাবাকে সবাই ভুলে গেছে । তারা শিবের পূজা করতেই থাকে, কিন্তু জানেনা কিছুই । তারা অমরনাথেও বড় লিঙ্গ বানিয়ে রেখেছে । বাবার রূপ কি এত বড় ? কিছুই জানা নেই । এখন তোমরা বাচ্চারা এইসব কথা যথার্থভাবে বুঝে গেছ । আচ্ছা !

মিষ্টি-মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ-স্নেহ আর গুড মর্নিং।
রুহানী বাবার রুহানী বাচ্চাদের নমস্কার।

ধারণার জন্য মুখ্য সারঃ-

১) শ্রীমৎ অনুসারে সদা শ্রেষ্ঠ কর্ম করতে হবে। কোনও ভ্রষ্ট কর্ম যেন না হয়, তার খেয়াল রাখতে হবে। অনেককে যোগী বানাবার সেবা করতে হবে।

২) হৃদয়ে সততা রাখতে হবে, শরীর তো একটা শবের মতো মাত্র। দেহের অযথা গর্ব ত্যাগ করতে হবে। সম্পূর্ণ নষ্টমোহা হতে হবে।

বরদানঃ- স্মরণ আর সেবা দ্বারা নিজের ভাগ্যরেখা শ্রেষ্ঠ থেকেও শ্রেষ্ঠ বানিয়ে ভাগ্যবান ভব

ব্রাহ্মণদের জন্ম-পত্রে তিনকাল ভালোর থেকেও ভালো। যা হয়েছে তাও ভালো, আর যা হচ্ছে তা আরও ভালো এবং যা হবে তা খুব খুব ভালো। সবার মস্তকে শ্রেষ্ঠ ভাগ্যের রেখা আঁকা হয়ে আছে, শুধু স্মরণ আর সেবায় বিজি থাকো। এই দুটোই এত ন্যাচারাল হোক শরীরে যেমন শ্বাস ন্যাচারাল। ভাগ্যবিধাতা বাবা স্মরণ আর সেবার এই বিধি এমনভাবে দিয়েছেন যা থেকে যে যত পারে ততটা ভাগ্য বানাতে পারে।

স্লোগানঃ- সন্তুষ্টির সীটে বসে পরিস্থিতিকে খেলা হিসেবে দেখা সন্তুষ্টিমণি হওয়া।